

KHUTBAH KHAS

Tajuk :

WASPADA PEMIKIRAN KHAWARIJ

Tarikh Dibaca :

**27 Sya'ban 1445H/
8 Mac 2024M**

Sumber dari:

Jabatan Agama Islam Wilayah Persekutuan

KHUTBAH KHAS:**WASPADA PEMIKIRAN KHAWARIJ**

8 Mac 2024M/ 27 Syaaban 1445H

الحمدُ لِلَّهِ رَبِّ الْعَالَمِينَ، نَحْمَدُهُ وَنَسْتَعِينُهُ وَنَسْتَغْفِرُهُ وَنَتُوْبُ إِلَيْهِ،
 أَشْهُدُ أَنَّ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهُدُ أَنَّ مُحَمَّداً عَبْدُهُ وَرَسُولُهُ،
 اللَّهُمَّ صَلِّ وَسَلِّمْ عَلَى نَبِيِّنَا مُحَمَّدٍ وَعَلَى آلِهِ وَصَحْبِهِ وَمَنْ دَعَا بِدَعْوَتِهِ إِلَى يَوْمِ الدِّينِ.
 أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أُوصِيْكُمْ وَنَفْسِيْ بِتَقْوَى اللَّهِ وَطَاعَاتِهِ
 لَعَلَّكُمْ تُفْلِحُونَ.

Sidang Jemaah yang dirahmati Allah,

Marilah kita bertaqwah kepada Allah SWT dengan melaksanakan segala suruhan-Nya dan meninggalkan perkara-perkara yang ditegah-Nya. Semoga kita dibangkitkan dalam kalangan orang-orang yang bertakwa di akhirat kelak. Marilah kita memberikan sepenuh perhatian terhadap khutbah yang akan disampaikan dan tidak melakukan perkara yang lalai ketika khatib sedang menyampaikan khutbah. Semoga Allah SWT mengganjari pahala atas amal ibadah yang kita laksanakan.

Mimbar mengingatkan para jemaah sekalian, marilah kita istiqamah menunaikan solat fardu lima waktu secara berjemaah di masjid dan surau. Di samping itu, marilah kita mengimarahkan program-program dan kuliah-kuliah pengajian yang dilaksanakan. Semoga segala amal ibadah dan kesungguhan kita mengimarahkan rumah Allah mendapat limpahan rahmat dan ganjaran pahala yang banyak daripada Allah SWT.

Sidang jemaah sekalian, mutakhir ini kita sering mendengar istilah dan label Khawarij terutama sekali yang melibatkan isu-isu semasa agama dan

juga perselisihan dalam politik. Justeru, khutbah pada hari ini akan membicarakan tajuk “**Waspada Pemikiran Khawarij**”.

Sidang Jemaah yang dirahmati Allah,

Umat Islam menyaksikan kemunculan pelbagai kelompok dan aliran pemikiran yang bertentangan dengan aliran *ahli sunnah wal jamaah*. Ada kelompok yang muncul akibat kejahilan terhadap ajaran agama, sebagiannya pula berpunca daripada pemahaman yang menyeleweng dan melampau dalam menafsirkan nas agama. Sebahagian kelompok pula muncul akibat krisis politik yang melibatkan kuasa pemerintahan. Salah satu kelompok yang tertua muncul atas faktor ini dikenali dengan nama Khawarij.

Khawarij berasal daripada perkataan arab (*kha-ra-ja*) yang bererti ‘keluar’. Ini kerana, mereka telah bertindak ‘keluar’ daripada ikatan bai’ah (janji setia) kepada pemerintah yang sah, dan enggan mengiktirafnya. Kelompok Khawarij pertama adalah mereka yang memberontak secara bersenjata terhadap Saidina Ali bin Abi Talib Radiallahu’anhу, namun demikian bibit-bibit pemikiran Khawarij telah wujud sejak awal di zaman Rasulullah SAW.

Sebagaimana terdapat dalam hadis yang diriwayatkan oleh Abi Said al-Khudri Radiallahu’anhу, terdapat seorang individu yang digelar *Zul Khuwaisirah* (ذو الْخَوَيْصِرَة), di mana beliau telah membantah cara Rasulullah SAW membahagikan harta dan melemparkan tuduhan bahawa Baginda SAW berlaku tidak adil dalam hal tersebut. Lalu, Baginda SAW menempelak individu tersebut dengan bersabda:

**فَإِنَّ لَهُ أَصْحَابًا يَحْقِرُ أَحَدُكُمْ صَلَاةَهُ مَعَ صَلَاتِهِمْ، وَصِيَامَهُ مَعَ صِيَامِهِمْ، يَقْرَءُونَ
الْقُرْآنَ لَا يُجَاوِزُ تَرَاقِيَّهُمْ، يَمْرُّونَ مِنَ الدِّينِ كَمَا يَمْرُّ السَّهْمُ مِنْ الرَّمِيَّةِ.**

Bermaksud: “Sesungguhnya dia (Zul Khuwaisirah) mempunyai teman-teman yang salah seorang antara kamu akan diremehkan solatnya jika dibandingkan dengan solat mereka, dan puasanya jika dibandingkan dengan puasa mereka. Mereka membaca al-Quran tetapi tidak melebihi kerongkong mereka, mereka terlepas dari Islam sebagaimana terlepasnya anak panah dari busurnya.” (Riwayat Imam al-Bukhari)

Ibn Hajar al-'Asqalani dalam kitab *Fath al-Bari* (فتح الباري) berkata: “(Golongan Khawarij) itu dahulu digelar *al-Qurra'* disebabkan kerajinan mereka dalam membaca al-Quran dan beribadah. Namun demikian, mereka telah melakukan penyelewengan dalam mentakwilkan al-Quran, taasub dengan pemikiran mereka serta berlebih-lebihan dalam zuhud, khusyuk dan selainnya.”

Sidang Jemaah yang dirahmati Allah,

Antara bentuk kemelampuan pemikiran Khawarij adalah mereka bermudah-mudah dalam menjatuhkan hukum kafir (*takfir*) kepada mereka yang tidak sependapat dengan mereka. Ketika berlakunya krisis antara penyokong Saidina Ali dan Muawiyah, mereka telah bertindak mengkafirkan Saidina Ali dengan berhujahkan ayat al-Quran menurut pemahaman mereka yang menyeleweng. Malang sekali, mereka telah memetik ayat daripada surah al-Maidah ayat 44:

...

وَمَنْ لَمْ يَحْكُمْ بِمَا أَنْزَلَ اللَّهُ فَأُولَئِكَ هُمُ الْكُفَّارُونَ ﴿٦﴾

Bermaksud: "...Dan sesiapa yang tidak menghukum dengan apa yang telah diturunkan oleh Allah (kerana mengingkarinya), maka mereka itulah orang-orang kafir."

Puak Khawarij telah melaungkan slogan, "Kedua-dua pengadil itu telah kafir, kerana sesungguhnya tidak ada pengadilan melainkan bagi Allah," ketika menolak cara penyelesaian perdamaian di antara Saidina Ali dengan Mu'awiyah yang disebut sebagai peristiwa *tahkim*.

Lebih malang lagi, mereka tergamak mengkafirkan para sahabat besar seperti Saidina Ali bin Abi Talib, Muawiyah bin Abi Sufyan, Talhah, al-Zubayr dan Aishah Radiallahuanhum serta menghalalkan darah mereka. Lama kelamaan konsep takfir (mengkafirkan orang) menurut pemikiran mereka turut berubah. Kafir bukan lagi hanya dinisbahkan kepada mereka yang tidak berhukum dengan al-Quran, tetapi orang yang melakukan dosa besar juga turut dianggap kafir oleh golongan Khawarij ini.

Sidang jemaah yang dirahmati Allah,

Rasulullah SAW telah memberi peringatan mengenai kemunculan Khawarij dan menyuruh kita agar berwaspada terhadap kelompok ini. As-Sindi dalam Hasyiah beliau menyatakan: golongan Khawarij gemar menggunakan slogan dan retorik bersifat umum seperti, "Tiada hukum kecuali hukum Allah" dan "Kembali kepada Kitabullah" dan seumpamanya, namun tindakan mereka tidak selari dengan laungan mereka.

Mereka bersikap seperti 'talam dua muka'. Dahulunya mereka mendakwa ingin berhukum dengan al-Quran, setia dengan kebenaran dan

mengingkari kezaliman, menyuruh kepada kebaikan dan mencegah kemungkaran, akan tetapi mereka jualah yang paling lantang mengkafirkan dan memerangi sekalian para sahabat dan umat Islam lain. Mereka lebih gemar menghalakan permusuhan terhadap umat Islam dan memetik teks agama luar daripada konteksnya. Imam al-Bukhari merekodkan pandangan Ibn Umar Radiallahu Anhu mengenai kelompok ini:

وَكَانَ ابْنُ عُمَرَ يَرَاهُمْ شِرَارَ خَلْقِ اللَّهِ،
وَقَالَ: إِنَّهُمْ أَنْظَلُوا إِلَيْيَ آيَاتٍ نَزَّلْتُ فِي الْكُفَّارِ فَجَعَلُوهَا عَلَى الْمُؤْمِنِينَ

Maksudnya: “Ibn ‘Umar berpandangan bahawa mereka (golongan Khawarij) adalah seburuk-buruk makhluk Allah. Beliau berkata: “Sesungguhnya mereka menuju kepada ayat-ayat yang diturunkan kepada orang-orang kafir, lalu mengenakannya ke atas orang-orang beriman.”

Sidang Jemaah yang dirahmati Allah,

Pemikiran yang melampau dan ekstrem telah mendorong kepada kemunculan Khawarij. Ekstrimisme agama merupakan perkara yang dilarang secara tegas dan jelas oleh al-Quran. Firman Allah SWT dalam surah al-Maidah ayat 77:

قُلْ يَا أَهْلَ الْكِتَابِ لَا تَغْلُوْ فِي دِينِكُمْ غَيْرَ الْحَقِّ وَلَا تَتَّبِعُوا أَهْوَاءَ قَوْمٍ قَدْ ضَلُّوا مِنْ قَبْلِ
وَأَضَلُّوا كَثِيرًا وَضَلُّوا عَنْ سَوَاءِ السَّبِيلِ ﴿٧٧﴾

Maksudnya: “Katakanlah: Wahai Ahli Kitab! Janganlah kamu melampau dalam agama kamu secara yang tidak benar, dan janganlah kamu menurut hawa nafsu suatu kaum yang telah sesat sebelum ini dan telah menyesatkan banyak manusia, dan juga (sekarang) mereka telah tersesat (jauh) dari jalan yang betul.”

Islam datang dengan membawa ajaran yang rahmah lagi indah. Sebarang bentuk melampau samada dalam pemikiran, tindakan, hatta dalam melakukan ibadah sekalipun adalah ditegah. Renungkan hadis yang diriwayatkan oleh Ibn Majah daripada Ibn Abbas r.anhuma, bahawa Rasulullah SAW telah bersabda:

إِيَّاكمْ وَالْغُلُوْ فِي الدِّينِ إِنَّهُ أَهْلَكَ مَنْ كَانَ قَبْلَكُمْ الْغُلُوْ فِي الدِّينِ

Maksudnya: “*Awasilah kamu daripada melampau dalam beragama, kerana binasanya golongan terdahulu sebelum kamu adalah disebabkan sikap melampau mereka dalam beragama.*”

Hari ini kita mungkin tidak mengenali mereka melalui nama Khawarij, tetapi tindak tanduk dan gelagat serta slogan-slogan dan pernyataan mereka dapat kita kenali bahawa mereka ialah adalah golongan Khawarij.

Sidang Jemaah yang dirahmati Allah,

Kesimpulan yang dapat diambil daripada khutbah hari ini:

Pertama: Kita hendaklah berwaspada daripada terpengaruh dengan pemikiran yang melampau dalam beragama, bermudah-mudah dalam menjatuhkan hukum terhadap orang yang tidak sependapat dengan mereka dan menafsirkan teks agama menurut selera pemikiran seperti golongan Khawarij.

Kedua: Doktrin Khawarij merupakan suatu barah kepada pemikiran umat Islam yang perlu ditangani dengan bersepadu dan saksama menerusi pendekatan dakwah dengan hikmah dan rahmah serta tindakan yang berpaksikan hujah.

Ketiga: Umat Islam perlu bersatu dalam membina kekuatan dan menguruskan sebarang bentuk perselisihan dengan santun dan tenang agar tidak membawa kepada perpecahan yang merugikan dan boleh merapuhkan kekuatan ummah.

Mengakhiri khutbah, hayati firman Allah SWT dalam surah al-Anfal, ayat 46:

وَأَطِيعُوا اللَّهَ وَرَسُولَهُ وَلَا تَنْزَعُوا فَتَفْشِلُوا وَتَذَهَّبَ رِحْكُمْ وَأَصْبِرُوا إِنَّ اللَّهَ مَعَ الْصَّابِرِينَ ①

Bermaksud: “Dan taatlah kamu kepada Allah dan Rasul-Nya, dan janganlah kamu berbantah-bantahan, kalau tidak nescaya kamu menjadi lemah semangat dan hilang kekuatan kamu, dan sabarlah (menghadapi segala kesukaran dengan cekal hati), sesungguhnya Allah beserta orang-orang yang sabar.”

بَارَكَ اللَّهُ لِي وَلَكُمْ فِي الْقُرْءَانِ الْعَظِيمِ، وَنَفَعَنِي وَأَيَّاً كُمْ بِهِدْيِي سَيِّدِ الْمُرْسَلِينَ، أَقُولُ مَا سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ، فَاسْتَغْفِرُوهُ، إِنَّهُ هُوَ الْغَفُورُ الرَّحِيمُ.



Khutbah Kedua Bulan Mac

2024M/ 1445H

الحمد لله على آلامه واحسانه، والشكر له على توفيقه وامتنانه، وأشهد أن لا إله إلا الله وحده لا شريك له تعظيمًا لشأنه، وأشهد أن محمدا عبداً ورسوله داعياً إلى رضوانه.

صلى الله وسلم على سيدنا محمد وعلى آله وصحبه، عدداً خلقه ورضاناً نفسيه، وزنة عرشه ومداد كلماته. أما بعد، فيا عباد الله، اتقوا الله تعالى ربكم حق تقاته، وأعملوا بطاعته ومراضاته، ثم اعلموا أن الله سبحانه وتعالى أمركم بأمر بدأ فيه بنفسه؛ فقال عليه حكيمًا: إن الله وملائكته يصلون على النبي يأيها الذين آمنوا صلوا عليه وسلموا تسليماً

[الأحزاب: 56]

اللهم صل وسلام على عبدك ورسولك محمد بن البشير النذير، والسراج المنير، وارض اللهم عن آله وصحابته أجمعين، وعن التابعين، ومنتبعهم يا حسان إلى يوم الدين، واغنا معهم بعفوك وكرمك وإحسانك يا أرحم الراحمين.

اللهم اغفر للمسلمين والمسلمات والمؤمنين والمؤمنات الأحياء منهم والأموات، اللهم أعز الإسلام والمسلمين، ودمّر أعداء الدين وانصر من نصر الدين، وأخذل من خذل المسلمين، وأغل كلماتك إلى يوم الدين.

اللَّهُمَّ انْصُرْ إِخْوَانَنَا الْمُسْلِمِينَ وَالْمُجَاهِدِينَ وَالْمُسْتَضْعَفِينَ فِي فَلَسْطِينَ وَفِي كُلِّ مَكَانٍ، اللَّهُمَّ ثَبِّتْ إِيمَانَهُمْ وَأَنْزِلْ السَّكِينَةَ فِي قُلُوبِهِمْ وَوَحْدٌ صُفْوَفُهُمْ.

اللَّهُمَّ وَفَقِّهْ لِمَا فِيهِ عِزٌّ دِينِكَ وَنَصْرٌ شَرِيعَتِكَ، اللَّهُمَّ اجْعَلْهُمْ هُدَاءً مُهْتَدِينَ صَالِحِينَ مُصْلِحِينَ وَأَشْمَلِ اللَّهَمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Sultan Ibrahim dan Kebawah Duli Yang Maha Mulia Seri Paduka Baginda Raja Permaisuri Agong, Raja Zarith Sofiah.

وَكَذَلِكَ صَاحِبُ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرِّبَا وَالزُّنَّا وَالرِّزَالِنَ وَالْمِحَنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبُّ الْعَالَمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta dapat mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP).

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat menghindari perbuatan khianat, salah guna kuasa dan harta, memberi atau menerima rasuah dan segala perbuatan durjana yang merosakkan kepentingan agama, masyarakat dan negara.

رَبَّنَا آتَنَا فِي الدُّنْيَا حَسَنَةً وَفِي الْآخِرَةِ حَسَنَةً وَقَنَا عَذَابَ النَّارِ.
 عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي الْقُرْبَىٰ وَيَنْهَا عَنِ الْفَحْشَاءِ
 وَالْمُنْكَرِ وَالْبَغْيِ يَعِظُكُمْ لَعْلَّكُمْ تَذَكَّرُونَ ﴿٦﴾ فَادْكُرُوا اللَّهَ الْجَلِيلَ
 يَدْكُرُكُمْ، وَاسْكُرُوهُ عَ